

HVALA DONATORIMA IZ MELBOURNA !

Akcija izgradnje šehidsko spomen-obilježja u Grbavcima, hvala Allahu, privodi se kraju i akobogda, zvanično otkrivanje, planirano za 23.maj ove godine ne bi trebalo doći u pitanje. Inicijativa nekoliko mještana i članova porodica stradalih, vrlo brzo je pretvorena u djelo, i mermerne ploče sa imenima 90 grbavackih šehida su već postavljene. Ostalo je da se uradi popločani plato u okviru kompleksa, postave jarboli i klupe, uredi zemljište, posadi cvijeće.

Zapocele su i pripreme za zvanično otvaranje. Planiran je poseban program vjersko-memorijalnog karaktera gdje ćemo se sjetiti naših šehida, opomenuti naše Bošnjake, i zamoliti Allaha da se takvo zlo više ne ponovi. Očekuje se dolazak visokih zvaničnika iz cijele BiH i prisustvo većeg broja građana.



Vrijeme je i da se polahko svode računi o realizaciji, može se već sada reći, ovoga izuzetno uspješnog projekta. Najveći doprinos dali su samo Grbavci, porodice naših šehida koje su se odazvale i u značajnom broju uplatile određeni iznos novca. Veliki odziv imamo i od naših građana u dijaspori, posebno iz Austrije, Njemačke i Kanade. Ovoga puta međutim, izdvojili bi **Bosansko Islamski Centar u Deer Park u Melbourneu, u Australiji**, u čijem djelovanju značajnu ulogu imaju i neki naši Grbavci koji trenutno žive u ovoj dalekoj zemlji. Ovaj džemat je uplatio najveći pojedinačni iznos novca od neke institucije. Posebno pohvaljujemo Upravni Odbor ovoga džemata koji je inicirao prikupljanje sredstava za obilježje putem dobrovoljnih priloga džematlija. Veliku zahvalnost dugujemo tamošnjem imamu, Muhamedu efendiji Džidicu koji je progonu i stradanju Grbavaca i našem nastojanju da obnovimo, oživimo i ojacamo naše selo posvetio i jednu Hudbu. Imam Džidic je, saznajemo, dao i licni prilog za obilježje. Pomoć su pružili i mnogi nebosanci. Allah ih sve nagradio, biće više puta pomenuti u svim aktivnostima oko otkrivanja spomen-obilježja, a mi ćemo ih licno u bilo kojoj ulozi, rado i ugostiti u našem selu i pokušati se odužiti za njihovo hairli djelo.

Pošto akcija još nije okončana, ima vremena da se odazovu oni koji to do sada nisu učinili i iz domovine i iz dijaspore. Nadamo se da ćemo ostvariti stalnu i uspješnu saradnju sa džematom u Melbourneu i oko naših budućih akcija. Našim Grbavcima i ostalim Bošnjacima koji tamo žive, želimo da nas i dalje na dostojan način predstavljaju u dalekom svijetu.